

DITUKUFHADZENI

 [Murathu Neville u ðivhadza Mukomana Branham—Mudz.] Ili ndi dzhenewo. Ndi tenda uri ndi nga mbo di ita ndivhádzo, “Hu na zwiñwe zwifhiwa: zwa nñe ndi tshi elekanya tshithu tsho raloho.” [Mukomana Branham na tshivhidzo vha a sea.]

² Zwa vhukuma ndi a diphina u vha hafha tshifhinga tshothe. Lwendo lwashu lu tsini na u fhela zwino, lwashu ri tshi khou dzula na inwi. Ngauri, ri na muñwe muñgano u no khou ða ngei Chicago, huno ndi tea u vhona uri mu—muña u a vhuya Arizona nga u ñavhanya nga maanda. Huno a vha athu vha na holodei yavho ya tshilimo na kathihi, huno ndi khou tea u vha dzhia nda yo vha namedza zwiñuku huñwe fhethu, nga maduvha a si gathi. Huno zwenezwo hu na khonadzeo ya uri ndi ðo vha ndi siho lithihi, ñuvha lithihi, inwe ya Dziswondaha, huno vhege i tevheláho ndi thoma Chicago. Zwenezwo ndi tea u ða thwii murahu, nga Musumbuluwo, huno nda vha isa Arizona.

³ Huno zwino ndi tou vhenga u dzhena nga Swondaha nga matsheloni, nda dzhia itsyo tshifhinga hune muñwe na muñwe a dzivhuluswa. Vhusiku ha Swondaha, tshifhinga tshothe ni vha no neta nahone ni si tsha kona, vhusiku ha Swondaha; huno zwenezwo tshumelo ya vhusiku ha Swondaha ya newa mufunzi washu, izwo zwi—izwo zwi nga zwo vhifha. Fhedzi ndi vhenga u ita hezwo, huno naho zwo ralo vhusiku ha Swondaha ndi ðo funa, vhusiku ha Swondaha, u vha na tshumelo vhusiku ha Swondaha, zwenezwo ndi fareledza vhatu u swika tshifhinga tsho no tuwesa. Vhunzhi havho vha dzhena hafha vha tshi bva kule ngei tshipembe na—na kule devhula, huno vha na, oo, tshiñwe tshifhinga vha reila masiari na vhusiku, u itela fhedzi u swika fhano u itela tshumelo nthihi, zwenezwo vha huma. Huno ndi ngazwo ndi tshi lingedza u i ita nga Swondaha nga matsheloni, musi ndi tshi ða, zwi vha ñea tshifhinga tsha u humela murahu.

⁴ Vhafhiri vha luvhaho, vha no fulufhedzea, ndi vha takalela hani! Vha reila kha mvula ya maháda, mvula, na tshiñwe na tshiñwe-vho, u swika fhano, shangoni ñóthe, maela dza madana, u tou itela tshumelo ñukhu nthihi. Ngauralo zwi nnyita uri ndi pfe ndi tshi livhuwa Mudzimu, na kha avha vhatu, nga thikhedzo yavho khulwane—yavho khulwane, kha zwine nda khou lingedza u vhudza, vhatu, uri ndi Ngoho.

⁵ Zwino, ndi tenda uri hezwi ndi Ngoho, ndi...nga mbilu yanga yoþe. Arali ho vha hu na tshiñwe-vho tsho fhambanaho, tshe nda elekanya uri tsho vha tshi khwine, zwa vhukuma ndo—ndo vha ndi tshi ðo thoma nda ya...ndi nga si humbele muñwe

muthu u ya huńwe fhethu hune ndi si thome nda ya, u wanulula uri ho tea kana hai. Ndi nga si humbele muńwe muthu u—u dzhia liga, Mudzimuni, line li si vhe le nda vha ndo no di li ita nahone ndi tshi ḋivha uri ndi Ngoho. Tsha u thoma, hu fanela u vha Ipfi la Murena, zwenezwo ndi fanela u dzhia liga huno ndi vhone arali zwo tea. Huno zwenezwo arali zwo tea, zwenezwo ndi nga ri, “Idani n̄tha nga *heyi* ndila.” Ni a vhona, ndi u ita ndila.

⁶ Huno, zwino, ndi elekanya uri mushumeli muńwe-vho u fanela u ita hezwo, u fanela u thoma a ya, ene muńe. U khou tea u vha murangaphanda, murangaphanda wa vhāthu, hu si ni u amba tshińwe tshithu tshine a nga si vhee tshanda tshawe khatsho, ene muńe. Ri fanela u ya henengei, vharangaphanda vha vhathu.

⁷ Matsheloni ano, ndo do vha na tshenzhemo i sa pfeseswi, isili nga maanda hafha phuluphithini. Huno iyo yo vha, i malugana na tshipida tsha u fhedza tsha Mulaedza, ndo vha ndi sa khou diimisela u zwi amba nga iyo ndila. Ni a vhona? Fhedzi ndi a humbulela uri zwo no di ambiwa, huno a hu na tshine ndi nga ita malugana nazwo zwino. Fhedzi zwenezwo ndo swika hayani, nda thoma u zwi guda.

⁸ Huno ndo do vha na u dovha nda vha na muća zwiętuku namusi, ha mukomana wanga fhedzi na vhone. Mme anga a vha tsheeho. Huno ro vha ri tshi anzela u ḃangana nduni yavho, huno zwino ri ya u swika ngei ha vha Delores. Ro do vha na tshifhinga tshavhudi henengei masiari ano, ri tshi khou amba, huno na Teddy o vha e hone. Ro imba dzińwe nyimbo, ra tamba dzińwe ngosha na zwithu.

⁹ Zwino ndi elekanya, uri khamusi nga matsheloni a Swondaha i tevhelaho, arali Murena a tshi funa, arali Murathu Neville a sa londi, zwino ndi do takalela u vha na tshumelo ya phodzo, yo tou u kumedzwa fhedzi kha phodzo. Huno ndi—huno ndi elekanya, ndi na Mulaedza matsheloni ano, nga ndila ye Murena a vhonala a tshi nthanga phanda uri ndi U dise, ndi U bvisele nn̄da, zwi fanela u tou nga zwi a ri tułuwedza zwiętuku, ni a vhona, u—u—u tenda zwa vhukuma. Ri—ri a tamba, huno ri—ri elekanya zwithu zwo fhambanaho nahone ra zwi amba. Fhedzi zwenezwo musi zwi tshi da kha makhaulatshelle, itsho ndi tshińwe tshithu tsho fhambanaho. Vhunga . . .

¹⁰ Muńwe o vha a tshi khou mmbudza, ndi tenda uri o vha e mukomana wanga ngei murahu, a tshi khou amba tshi—tshińori tshiętuku namusi, nga ha munna, mu—mushumeli na zwawe . . . zwińwe zwa, tshińwe tsha zwivhidzo zwawe. Huno o ri a nga tshimbila e na tshitanda.

O ri, “Mufunzi, ngoho, Murena u na inwi.”

A ri, “Ndi nga beba tshitanda mućanani wanga, musi ndi tshi pfuka.”

“Ngoho, Murena u na inwi.” Huno a ya a zwi ita.

¹¹ A ri, “Ndi nga beba tshitanda, nahone nda kungulusa bara nda pfuka, nga tshifhinga tshithihi.”

¹² “Ngocho, Mufunzi, Murena u na inwi. Lutendo lwañu lu nga ita tshiñwe na tshiñwe.”

¹³ A ri, “Ndi nga ni dzenisa barani, nahone nda beba tshitanda.”

Ari, “Zwino lindelani lwa tshifhinganyana!” Ni a vhona?

¹⁴ A zwi fani musi inwi no katelwa nazwo, inwi muñe. Ni a vhona? Zwino, izwo, ndi zwavhuđi nga maanda kha riñe u amba fhano uri, “Amene.” Ndi zwavhuđi nga maanda kha riñe u amba uri, “Ndi a tenda uri izwo ndi ngocho.” Fhedzi zwenezwo zwi iteni. Ni tea u zwi ita.

¹⁵ Vhunga ndo disa itsho tshitatamennde matsheloni ano, vhathu vho vha vho edela murunzini wa Petro, a vho ngo vhuya vha humbela thabelo na kathihi.

¹⁶ Ndo no dzhena mahayani manzhi, ndi tshi sedza hezwi. Ndi a rabela ndi sa athu ṭuwa, huno nda sokou dzhena ngomu heneffho ndi na ndodzo, huno ndi si vhuye nda rabelela vhathu, huno nda bva huno vha fhola. Ni a vhona? Ni a vhona? Izwo ndi zwone. Ndo no zwi vhona kanzhi zwi tshi itwa! Ni a vhona? Ni tea u vha na huñwe hune na vhea lutendo lwañu. Ni a vhona? Ni tea u zwi tenda. Huno ndi a tenda uri awara i khousendela, nahone yo no swika.

¹⁷ Huno ndi a ḥalukanya uri heyi a si tshumelo ya theiphi. Vha nga di diitela ḥukhu, fhedzi heyi a si theiphi i no bva ya ya shangoni ḥothe. I . . .

¹⁸ Hezwi ndi zwe nda vha ndi tshi khousendela matsheloni ano uri zwe ri disa kha—kha magumo, huno ndi ngazwo ndi tshi khousendela yo dzhia Swondaha i tevhelaho uri i vhe tshumelo ya pho—pho—phodzo. Ngauri, tshi bva tshee nda vhuya hayani, ndo ni vhudza nga ha mabono na zwe zwa bvelela, na tshiñwe na tshiñwe, nahone ndo zwi disa heneffha n̄tha, uri ndi ngani ndo ita izwi zwithu zwothe. Huno zwenezwo matsheloni ano, ndi tshi zwi disa heneffha n̄tha zwino kha uyo Mururo wa u fhedza.

¹⁹ Zwino ndi tshifhinga tshanga tsha u ḫinekedza kha Mudzimu; tshifhinga tsha Mudzimu tsha u amba na nñe. Ni a vhona, ndi—ndi—ndi fanela u tou vha na tshanduko ḥukhu vhutshiloni hanga. Hu si ni ndi tshi elekanya uri ndi muvhi, fhedzi ndi—ndi ḫodou pfa zwiñku zwo engedzeaho tsini na vhathu. Ni a vhona?

²⁰ Vhatu vhe nda lingedza u vha vhudza iyi Ngoho ya Mafhungo-madiñha, huno vha a A furalela, huno vha tuwa nahone vha A sea. Zwino, kha nñe, izwo zwi vhonala zwi tshi nga samba. A thi londi, kha nñe; fhedzi kha zwithu zwo nda vha ndi tshi khousendela zwi amba, Ndi Ngoho i no khousendela u vha thusa. Vhunga u sukumedza gungwa, huno na ri, “Hafha, ngetshi,

pfukani! Hafha, ibvani kha uyo mulambwana wo ḫalaho, ni khou yo fa! Inwi, ni khou yo lovha heneffho!” Huno vha sokou ni sea, nahone vha ṭuwa. Zwo ralo, kha nne, zwi pfala unga, arali vha ṭuwa, a hu na tshiñwe tsho engedzeaho tshine ndi nga ita malugana nazwo, ni a vhona, tshine ndi nga ita.

²¹ Fhedzi ndi ḫodou gidima na philiphili zwino huno nda vha kwengweledza, “Vhuyani!” Ni a vhona, ndi tea u vha na uvho vhudipfi, ni a vhona, ngauri ndi a ḫivha uri hu na muñwe afho nnda ane a vha uri ha athu dzhena. Huno nne—nne ndi khou yo rea khovhe u swika... A amba, u swika khovhe ya u fhedza i tshi fashwa. Ndi ḫodou ita hezwo.

²² Zwino, nahone zwino, uri ndi kone u ita hezwi, ndi khou lavhelela uri tshiñwe tshithu tshi do bvelela muñganoni wa thabelo. Tshiñwe tshithu... Huno vhunzhi hanu ni ezelwa bono la—la Mururo wa u fhedza, uyo Mururo wa Vhuraru, kha ndi ralo. Ni a ezelwa, ho vha na tshiñwe tshithu tsho bvelelaho itsho tshi sa athu: Ndo vhona itsho Tshedza tshi tshi da huno tsha tsela phasi ngomu afho fhethu, huno ha pfi, “Ndi do tangana na iwe heneffho.” Zwino ndo lindela uri tshiñwe tshithu tshi bvelele.

²³ Phano miñwahani yo fhiraho, ho vha hu tshi anzela uri dzitshumelo na uho u ṭalukanya zwi tshi nnyita uri ndi kulee nungo nga maanda lwe nda dedeleka. Vhunzhi hanu ni a zwi ezelwa hezwo. Ndi tou ya fhethu hune nda do ima nahone nda vha na Jack Moore kha tshiñwe tshanda, huno Mukomana Brown e kha tshiñwe, huno vha ntshimbidza n̄tha na phasi tshiṭarañani, lwa awara nga murahu ha tshumelo. Huno ndo sokou, vha hu uri, ndo vha ndi tshi khou lingedza u elekanya nga ha he—he nda vha ndi hone na zwe zwa vha zwi tshi khou itea. Zwenezwo, vhusiku hothe ndo edela heneffho huno nda elekanya nga hazwo, nahone nda dzida na tshiñwe na tshiñwe-vho, huno nda mangala uri ndi ngani vha songo ṭanganedza Murena Yesu washu.

²⁴ Zwenezwo A mmbudza bono, “Tshiñwe tshifhinga u do ṭangana na mufumakadzi a no do da kha iwe, o ambara swuthu ya muronzhe, huno u do vha o takula lushie luñuku nga bai, huno u bva tshifhingani tshenetscho, u do vha na nungo dza u kondelela wo khwatha.” Ndi zwone, hezwo ndo ni vhudza zweþhe. Zwo bvelela Chicago, uvho vhusiku musi mufumakadzi muñuku wa Mupuresbiterieni, musi mufunzi wawe o mu rumela heneffho na lushie.

²⁵ Huno ndi a tenda uri ho vha hu mukomana wawe, kana muñwe wavho, e do—dokotela. O ri, “A hu na fulufhelo kha lushie nñdani ha musi Mudzimu Ramaandaoþhe a tshi lu kwama.” A ya...

²⁶ O ya a vhudza mufunzi wawe. Mufunzi a ri, “Nne—nne a thi na ndalukano,” a ralo, “u—u shumisa iyi phodzo ya Muya, ngauri a thi... a thi tou vha nalwo ngomu hanga, lutendo lune ya lu ḫoda uri i zwi ite.” Zwino, hezwo ndi u vha a fulufhedzeaho

malugana nazwo. Ni a vhona? A ri, “A thi tou vha nalwo ngomu hanga.” A ri, “Fhedzi ndo vha ndi kha muňwe wa miňangano ya Mukomana Branham, huno ndi do ni eletschedza u isa lushie kha Mukomana Branham.” Huno dokotela o da a lu litsha, huno lwo vha lu tshi khou yo fa.

²⁷ Huno mufumakadzi muňuku a dzhena heneffho he nda vha ndi na luňwe lushaka lwa tshu—tshumelo ya avho vhana vhaňuku vha Katolika vhe vha vha who swa, tshikoloni itsho afho nňha, ni a ñivha. Ni a elelwa uri ho vha hu lini. Ro vha ri na iyo tshumelo, huno ndi tshi da afho pulatifomoni ha da mufumakadzi uyo muňuku a re na swuthu ya muronzhe. Mufumakadzi wanga na vhaňwe who vha who dzula heneffho, huno nda ri...nda rembuluwa huno nda sedza, nahone nda sedza u mona hoþhe, huno nda vhona arali who ima heneffala. Huno zwo sokou itea, uri ndi sa athu da, ndi a tenda uri Billy Paul na vhaňwe who vha vha tshi khou amba, kana mufumakadzi kana vhaňwe vhavho, na mufumakadzi a re na lushie luňuku. Huno mufumakadzi a da pulatifomoni, huno Muya Mukhethwa wa dzumbulula tshithu tshoþhe, nahone wa fhodza lushie heneffho.

²⁸ Nda  wa, huno u bva tsheetsho a thi tsha sokou neta. Ni a vhona, a zwi nndini, huno ndi—ndi tou bvela phanda na phanda.

²⁹ Zwino ndo sedza uri tshinwe tshithu tshi bvelele, huno nda thoma uyo Mururo wa Vhuraru luswayoni. Ni a vhona? Huno khamusi tshumelo ya phodzo ya nga matsheloni a Swondaha i tevhelaho, khamusi i do bveledza hezwo. A thi ñivhi.

³⁰ Ndi elekanya, uri zwine ra tea u ita, ndi u vhudza vhathu vhanu, u wana vhathu vha lwalaho. Zwino, u itela tshumelo ya phodzo, ri tea u kumedza vhathu vha lwalaho. Wanani vhathu vhanu vha lwalaho, huno ni vha swikise fhanu nga u  avhanya nga matsheloni a Swondaha i tevhelaho, kha ri ri i tshi todou rwa awara ya malo kana hafu u bva kha awara ya malo, huno ri do vha tendela uri vha vha nee gara a ya thabelo musi vha tshi dzhena munangoni, nga ndila inwe na inwe ine vha zwi ita. Huno zwenezwo ri do vha na muduba wa thabelo huno ra rabelela vhalwadze, nahone ra tou vhona zwine Muya Mukhethwa wa do ita.

³¹ Ndi a tenda U do ita zwimangadzo arali ri tshi do tou Mu tenda, ni a vhona. Fhedzi ri tea u Mu tenda u itela hezwo zwino, nga mbilu dzashu dzoþhe. Huno ndi elekanya uri awara khulwane yo no swika ya uri musi Mudzimu, kha zwinzhi zwe ra vha ri tshi khou zwi amba matsheloni ano, o no ri sumbedza zwinzhi, nahone a ri qisa huňwe...heneffho fhethu. U tou sukumedzela kule muvhundu uyo muňuku, huno izwo ndi zwone fhedzi zwine ra  oda, zwenezwo u mbo di  wa. Ni a vhona, zwi—zwi khou tshimbila nga ndila ye zwa vha zwi ngayo, zwenezwo zwithihi, zwi na u  alukanya, zwenezwo zwithihi nga zwa vhuporofita, u zwi sedza.

³² Ndo vha ndo ima Calgary . . . Ni mpfarele, ho vha hu mudi wa khosikadzi, fhasi ngei Regina, Regina. Huno Err Baxter o vha o ima henefhalā, na tshigwada tsha vhoriṇe. Huno Murena o do mmbudza, henefha pulatifomoni, “Zwi do khunyelela, u do divha tshiphiri tshenetsho tsha mbilu dzavho.” Huno izwo ndi zwone. Huno na kathihi a tho ngo zwi elekanya nga iyo ndila. Nda ya pulatifomoni vhusiku uvho, na Err, huno nda sokou thoma u rabelela vhalwadze. Huno munna ngoyu u a da, a tou adza vhutshilo hawe hothe; lwo vha lu lwa u thoma zwi tshi bvelela nga u ralo, nga tshifhinganyana, tshumeloni ya phodzo. Huno zwenezwo nda sedza nnda kha vhathetshelesi, huno fhano Tshi thoma u tsela fhasi kha vhathetshelesi na zwithu. Oo, musi ri tshi swika kha ilo linwe sia! Zwi re hafu a zwi athu u ambiwa na kathihi, zwa zwithu, u sedzesu, na u vhona zwithu vhutshiloni ha vhathu. A thi ambi tshithu nga hazwo. Ndi sokou zwi litsha zwe ralo, ni a vhona, nndani ha musi ndi tshi kombetshedzea zwa vhukuma u amba tshiñwe tshithu.

³³ Huno zwino ndi lavhelela izwi zwi tevhelaho uri zwi thome nga u ralo. Ni a vhona, Mudzimu, nga ndila Yawe Ene muñe, nga tshifhinga tshihulu Tshawe Ene mune, u zwi thoma. Huno tshi do vha—tshi do vha tshiñwe tshithu tshi no do vha—vha tshi fhiraho kule muñwe-vho wa avha vhañwe vhathu. Ni a vhona? Huno ndi lavhelela hezwo uri zwi bvelele.

³⁴ Huno khamusi, oo, ndo elekanya, arali ndo vha ndi na tshumelo ḥukhu ya phodzo khamusi Swondaha i tevhelaho. Zwenezwo Swondaha i no do tevhela hu na khonadzeo ya uri ndi do vha ndi kule na vhana na vhaiñwe, ngauri vha tea u humela murahu nahone vha ya tshikoloni. Huno zwenezwo Swondaha i tevhelaho, nñe, a hu na zwiñwe, ndi nt̄ha ngei Chicago, muñganoni henengei nt̄ha. Huno zwenezwo ra vhuya Musumbuluwo u no do tevhela, ur̄i ri tuwe nga Lavhuvhili u ya ngei—ngei Arizona, u itela uri vhana vha humele tshikoloni.

³⁵ Zwo ralo, naa no wanani, mufunzi? [Murathu Neville u ri, “Ndi zwone, ndo wana tshiñwe tshithu tshisili nga maanda.”—Mudz.] Ndi zwavhuđi, izwo ndi zwavhuđi nga maanda, zwino ri khou ṭodou zwi pfa.

³⁶ Ngauralo mu—Murena a ni fhañutshedze noñhe, zwavhuđi vhukuma, vhukuma. Huno ndi—ndi fulufhela u ni vhona fhano Swondaha i tevhelaho. Huno vhusiku ha Lavhuraru . . .

³⁷ Huno thetshelesani. Ni songo hangwa izwi zwivhidzo zwiñku, vhunga Mukomana Ruddell, Mukomana Jackson, Mukomana Parnell, na avho vharathu vhañku vhoñhe vha no khou lusa nga maanda ngei nnda, ni a vhona. Huno vha pfa u nga rine ri konana na tshivhidzo tshavho—tshavho—tshavho fhano, ní a vhona. Ri tou nga tshigwada tshi re mme muñku khavho. Afho ndi he vha bebelwa hone, hafhano, vhafunzi na vhañwe-vho.

³⁸ Huno hoyu muthu muṭuku ngeno murahu, mukomana, ndo ṭangana nae vhuñwe vhusiku henengei, Allen, Mukomana Allen muṭuku. Ndi fulufhela uri Mukomana Collins fhano u do divhana na Mukomana Allen, arali a sa mu ḋivhi. Vhuvhili havho ndi vhashumeli vha Methodisi, huno vho no—vho no vhona Ngoho ya Ipfi.

³⁹ Zwine, dza—dzangano la tshivhidzo tsha Methodisi, line la vha tshigwada tshavhuđi tsha vhatu tshivhidzoni itsho tsha Methodisi. Na kathihi ni songo elekanya uri a vho ngo ralo. Vho ralo. Ndi tshigwada tshavhuđi tsha vhatu tshivhidzoni itsho tsha Kaṭolika. Ndi tshigwada tshavhuđi tshivhidzoni tsha Puresbiteri. Huno ayo mafhethu othe heneffo, ndi vhanna na vhasadzi vho lindelaho u vhona itsho Tshedza tshi tshi taidza ndilani yavho. Inwi dzulelani u taidza Tshedza, nga u ḋiṭukufhadza, mudifho. Rothe kha ri alutshele tsini-tsini na Mudzimu, nga u ḋiṭukufhadza. Ni a vhona?

⁴⁰ Ni songo hangwa, thaberenakeļi iyi i do kulea nungo dzayo. Elelwani zwauri hetshi ndi tshiluswa tshine Sathane a vha na tshigidi tshiñwe na tshiñwe vhudzulavhafu tsho livhiswaho khayo. U do ita uri muthu muthihi a ite tshiñwe tshithu tsho fhambanaho na tshine muñwe a tshi elekanya. U khou zwi ita hezwo. U khazwo. Uyo ndi mushumo wawe, arali a tshi nga wana muñwe uri a ambe tshiñwe tshithu, muñwe uri a ambe nga ha muñwe, a ri, “Ndi zwone, thetshelesani, naa no ḋivha vhauri *Mukeneñene o ita?*” Ni songo zwi thetshelesa. Ni songo zwi thetshelesa, na luthihi. Uyo ndi diabolo. Ni a vhona, ndi Sathane. Ni songo zwi tenda.

⁴¹ Arali hu na tshiñwe tshithu tshe muñwe a khakha, vha rabeleleni. Huno ni songo rabela nga ndila ya vhutshivha, na ri, “Ndi a ḋivha uri ndi mushumo wanga, ndi tea u rabelela mukomana uyo.” Inwi zwi iseni mbiluni yanu, fhasi vhukuma, ni tshi itela uyo khaladzi. Huno itonu amba nahone ni vhe wavhuđi vhukuma, huno tshithu tsha u thoma ni a ḋivha, ni vha wana vho no vhuya tshumeloni hafhu. Ni a vhona? Ngauri, itali, ro livha u kovhelani ha ḋuvha.

⁴² Murena Yesu u do vha a tshi khou da nga ḋiñwe la haya maduvha. Huno, ni a ḋivha, ndi elekanya uri hu do vha nga u tāvhanyedza nahone hu ḋifhaho nga maanda—nga maanda, huno ngauralo hu do vha na dza dana phese—... tshithihi kha dana tsha phesente dza dana lithihi la shango ḋothe na kathihi tshi nga si ḋivhe musi Ü Takulelwa Tađulu uho hu tshi itea. Hu do tou itea ho fhumula nga maanda fune a hu na muthu a no do ḋivha tshithu nga haho. Ni a vhona?

⁴³ Nahone hu do vha, a hu na zwiñwe, zwigwada zwiṭuku zwi do ri, “Zwo ralo, zwino, *Mukeneñene?*”

⁴⁴ “Oo, vha ri hu na tshigwada tsha vhusweleli ho kalulaho nga hangei, ho pfi tshigwada tsho ḫuwa nga hangei, nahone vha... .

Izwo a zwe ngo ralo. Vha kha di bvou bva vha ya huñwe fhethu. Ro vhuya ra vha na uvho vhusweleli ho kalulaho, ni a vhona."

⁴⁵ "Zwo ralo, vha ri iyo thaberanakele thukhu, fhethu hu no pfi Jeffersonville, ho vha na vhanzhi nga maanda vha iyo mirado vhe vha si vphonale."

⁴⁶ Ni a vhona, hezwo vha sokou tamba ngazwo. Vha do ri, "Oo, a hu na tshithu kha hetsho, ni a vhona," nga u ralo, huno Tshi do fhira nahone a vha nga do tshi divha.

⁴⁷ Kha lushaka lwothe, hu do da, avho vho faho vhe kha Kristo vha do ranga u vuwa. U Takulelwa Tađulu hu do itea, Tshivhidzo tshi do dzhiwa tsha iswa Hayani. Huno zwenezwo Vhuđungu vhu do dzhena, huno, yawee, nñenñe, a ri ḥodi u vha fhano nga itsho tshifhinga. A thi ḥodi u vha fhano kha Vhuđungu. Hai. Mudzimu ha tendi uri muñwe washu a vhuye a vhe fhano nga itsho tshifhinga. Ngauri, "a re wa tshika u kha di vha wa tshika; a re mukhethwa u kha di vha mukhethwa; a re o lugaho u kha di vha o lugaho." A hu na... Ngwana yo da na Bugu Yayo ya Phuluso, huno Muselwa o bviswa. Avho vhe vha Li hana vha tea u fhira kha phiriadi ya Vhuđungu, vhothe Muyuda na Wannda. Ndi tshifhinga-de tsha Vhuđungu nandi! A thi zwi ḥodi hezwo.

⁴⁸ "Murena, nnyite o khetheaho zwino." Iyo ndi pfunzo yavhudzi ya Nazarini, a si yone? [Mukomana Neville u ri, "Amene."—Mudz.] Huno ndi ngoho, na yone-vho. Ndi ngoho. Izwo ndi zwone. "Nndadze zwino nga Muya Mukhethwa Wau, Murena. Bvisa shango lothe kha nne zwino, Murena. U songo—u songo ri tendela u vha na . . ."

⁴⁹ Vhunga mukomana mulala wa mukhaladi o amba, "Mune wanga, ndi na thikhithi yanga tshandani tshanga. Yo no di phuliwa. Musi ndi tshi tsela mulamboni, nga matsheloni ayo, a thi khou ḥoda khakhathi."

⁵⁰ Ngauralo, izwo zwi tsini na u vha zwone, a—a thi ḥodi khakhathi. Farani thikhithi yanu tshandani tshanu, ngauri ri khou pfuka. Itonu zwi elekanya, tshifhinga tshihulwane tsha thengululo tshi tsini.

⁵¹ Huno zwino tshiñwe tshithu. Mukomana, naa dzina lawe ndi lifhio, ngeno nñha Utica? Ndi elekanya uri Mukomana Graham, na muñwe mukomana henengei a re mufunzi henengei. Mukomana Shanks kana tshiñwe tshithu tsha u ralo, kana Sink? [Mukomana Neville u ri, "Mukomana Snelling."—Mudz.] Mukomana Snelling ndi mufunzi, tshothe. Mukomana Snelling ndi mufunzi nñha ngei Utica zwino. Ndi elekanya uri muñangano wavho wa thabelo u nga... ["Vhusiku ha Lavhuña."] Vhusiku ha Lavhuña. Zwino, ni a divha, zwe vha zwi tshi do vha zwavhudzi vhukuma arali ro vha ri tshi nga ḥutshela henengei nñha vhusiku ha Lavhuña huno ra sumbedza avho vhatu vhuđama vhuđuku. Ni a vhona? Huno zwenezwo musi Mukomana Jackson, nga zwifhinga zwine a vha na wawe, arali ro vha ri tshi

nga kuvhanganya tshigwada tshiṭuku tshashu fhethu huthihi huno ra ya.

⁵² Itonu dzula ni tshi rabela, dzulelani u gwa! Iina, ni songo ima. U tou fana na musi Eliya o vha vhudza, a ri, “Igwani misele ngei nnđa!”

Musi ni tshi swika fhasi, ni rwe tshikotikoṭi, ni ri, “Nñe ndo netesa”? Tshi bviseni ndilani huno ni dzulele u gwa. Ni a vhona? Itonu dzulela u gwa, ngauri ri tea u gwa. Ri tea u tou gwa, ndi zwenezwo fhedzi. Ngauri, arali inwi—arali inwi ni tshi lavhelela u ponya Vhuṭungu, ndi khwine ni tshi thoma u gwa.

⁵³ Zwino, u itela nñe munē, ndi khou rerela nñe munē henengei. Ndi khou yo thoma u gwa nda tsa u fhira zwe nda vhuya nda gwa. Ngauri, ndi pfa nga u ralo, kha lushaka na u mona na shango, uri mushumo yuu u do dovha, sa izwo u tshi ḋivhea zwino huñwe na huñwe kha shango loṭhe. Ndi—ndi fanela u ya hafhu.

⁵⁴ Mufumakadzi o ri kha nñe... Nga mañwe matsheloni, ndo ri, “Ndi ṭoda inwi ni tshi ya na nñe musi ndi tshi ṭuwa. Ndi khou do ṭuwa nga Phando, Murena a tshi funa. Ndi khou ṭodou fara lwendo lwo fhelelaho lwa u enda na shango, hoṭhe u mona nalo; nda vhuya nahone khamusi nda vha na dzitshumelo kha la United States, tshiñwe tshifhinga tshilimo tshi tevhelaho.”

Huno a ri, “Ndo no aluwesa uri ndi nga ya.”

⁵⁵ “Zwo luga,” nda ri, “Ndo ya musi ndi...nga ha lwendo lwanga lwa u fhedza seli ha lwanzhe, miñwaha i no todou swika ya malo yo fhiraho, huno ndi pfa ndi tshi nga ndi kha tshivhumbeo tsha khwine zwino u fhira zwe nda vha ndi zwone miñwaha ya malo yo fhiraho, ni a ḋivha. Ni a vhona? Ndi ḋivha zwo engedzeaho nga halwo zwino.”

⁵⁶ Huno zwenezwo ra thoma ilo fhungo, “Arali Murena o ri, ‘Ndi khou yo u nea miñwaha ya fumbiliṭhanu. A u khou yo fhela nungo. U ḍo kona u tshimbila, huno Ndi khou yo u u nea miñwaha ya fumbiliṭhanu kha lifhasi,’ naa no vha ni tshi ḍo dzhia u bva—u bva mabeboni u swika kha fumbiliṭhanu, kana u bva fumbiliṭhanu u swika fuṭhanu, futhanu u swika fusumbet̄hanu, kana fusumbet̄hanu u swika ḑana?”

⁵⁷ Zwino, muthu muñwe na muñwe o ḡewaho tshiñwe tshifhinga-vho kha lifhasi, zwa vhukuma o vha a tshi ḍo vha tshithu tshi sa londi arali a sa shumisi itsho tshifhinga tshumeloni ya Mudzimu. A thi londi zwine a ita.

⁵⁸ Zwino, arali ni tshi khou yo vha thambudzo kha vhasadzi, kana tshiñwe-vho, ndi khwine ni tshi dzhia vhukale uvho vhuswa, iyo fumbiliṭhanu ya u thoma. Ni a vhona?

⁵⁹ Arali ni tshi khou yo vha muvhadi, makhanikhe, kana tshiñwe tshithu, ndi khwine ni tshi dzhia fumbiliṭhanu ya vhuvhili. Ni a vhona?

⁶⁰ Zwenezwo ndo vha ndi tshi elekanya nga ha uri, “Mini-ha nga ha nne? Ndi do dzhiafhi?” Ndi do dzhia fumbilithanu u swika kha qana. Ndi do vha o thanyaho, o talifahao. Ndi do vha o digedaho lwo engedzeaho. Ndi do divha two engedzeaho nga ha zwine nda khou ita. Ndi na fumi, malo kana fumi, la miñwaha nga vhukale u fhira tshifhinga tsho fhiraho tshe nda vha ndi seli ha lwanzhe. Ndi nga si fhufhele ngomu vhunga ndi khou vhulaha dzinowa. Ndi do divha two engedzeaho nga hazwo, ni a vhona. Ndi divha uri hani.

⁶¹ Zwi tou fana na mmbwa ntswu i tshi khou lwa na muthu murema, ni a vhona. Ni a divha nga ha uri ni nga i fara hani. Ni songo fhufhela ngomu henefho; na dikweta. Ni a vhona, divhani maano ayo nahone ni i sedze uri i itani. Huno ri guða two engedzeaho nga ha swina. Ngauralo ri tea u wanulula ngona dzalo dzoþe, na uri li sendela hani, na zwine la ita, nahone ra guda mavili alo, zwenezwo no pfumbudzelwa u mu dzenela, ni a vhona.

⁶² “Ngauralo ndi a tenda zwino,” nda vhudza mufumakadzi wanga, “Ndi tenda uri nne ndi kha tshivhumbeo tsha khwine zwino u fhira zwe nda vha ndi zwone musi ndi na miñwaha ya fuina nga vhukale, nahone nda fhira.” Ni a vhona, huno ndi na fuþhanuiña. Huno ndi a tenda, arali nda tshila nahone nda di kona u mona-mona zwavhuði sa zwine nda kona zwino, musi ndi na qana, arali ndi... arali Yesu a tshi do lenga tshifhinga tshingafho, ndi do vha kha tshivhumbeo tsha khwine nga itsho tshifhinga u fhira zwine nda vha zwone zwino, u ya. Ni a vhona? Ngauri, ni divha two engedzeaho nga hazwo, ni divha two engedzeaho nga ha zwi no tea u itwa, na ndila ya u zwi langa, ndila ya u langa nzulele.

⁶³ Dzhiani vhunzhi ha vhathe zwino, arali vha tshi khou yo itwa muaro. “Vha ri dokotela muswa u kha ði bva u wana digirii liñwe ðuvha, huno u kha ði bvou ða a tshi bva tshikoloni tsha u alafha. Ha athu vha na muaro na kathihi. I ri ni a u ite.”

⁶⁴ “Oo, hai,” no vha ni tshi do ri, “a hu na tshi no itwa. Hu si ni uyo muthu. Hai, muñwe wanga. Naho two ralo, hai, ngoho. A thi mu ðodi a tshi vhea lufhangha kha nne. Ndi zwone, ndi nga ñamba nda ya hafha fhasi huno nda wana *Mukenenene*. Ndi pfa uri o no vha na miaro minzhi. U divha ndila ya u u ita.” Izwo ndi zwone, ni a vhona. Uyo ndi muhumbulo.

⁶⁵ Inwi ni elekanya nga ha uyu, fhedzi mini-ha nga ha uyo maya? Ndi ðoda muñwe a no divha hune a vha hone, nahone a no divha ndila; o i tshimbilaho. Ee, ngoho.

⁶⁶ Murena a ni fhaþutshedze. Zwo luga, Murathu Neville, gonyani ngeno zwino. Huno Mudzimu nga a fhaþutshedze Murathu Neville. Ni songo hangwa zwino, Swondaha i tevhelaho.

⁶⁷ [Murathu Neville u amba nga ha Mukomana Branham na Mukomana Vayle lwa muniti muthihi, zwenezwo a ri, "Huno ndi takalela u ḥanganedza vhashumeli vha Mudzimu, nga maandamaanda vha no shumisana na Hoyu, nahone Khawo khathihi na riñe. Ndi takalela u pfa zwi bvaho khavho."—Mudz.] Amene. ["Ngauralo ndo humbela Dokotela Lee Vayle, nda ri, 'Naa inwi ni ḥo shuma arali Mukomana Branham a sa iti?' Huno Mukomana Branham ho ngo ita. A nga di vha o zwi ḥivha hezwi."]

Hai, a tho ngo ita. Ndo vha ndi tshi ḥo vha ndi songo amba tshifhinga tshingafho.

⁶⁸ [Murathu Neville u ri, "Ngauralo ndo humbela Mukomana Vayle, madekwana a ḥamusi, arali a tshi ḥo ri shumela, arali Mukomana Branham a songo ita. Ngauri o ḥowelana nae kha miṭangano, nahone u ḥivha nga ha Ndila, iyi Ndila. Huno ri a takala u vha na Mukomana Vayle. Ndi a mu takalela na u mu thonifha sa zwine nda ita muñwe na muñwe wa vhañwe vhashumeli, nahone vhunga ndi tshi ita vhañwe vhothe. Huno ngauralo arali a tshi ḥo da madekwana a ḥamusi huno a ri ambela, ndi ḥo takalela u vha nae uri a zwi ite."—Mudz.] Amene. ["Mudzimu a fhaṭutshedze, huno kha ri rabelele Mukomana Vayle. Vhañwe vhañu a ni athu mu pfa na kathihi, huno ndi a themba zwauri ni ḥo mu rabelela."] Ee.

⁶⁹ Ndo vha ndi songo tea u vha ndo dzhia tshifhinga tshawe tshothe. Ndi humbela pfarelo kha vhathetshelesi. A tho ngo zwi ḥivha, ndo dzula hafhalā, uri o...itsi tsho vha tsho dzudzanywa. Mudzimu a ni fhaṭutshedze, Mukomana Vayle.

⁷⁰ [Mukomana Lee Vayle u ri, "Tsho vha tshi songo dzudzanywa. O ri, arali no vha ni 'songo amba.' Huno inwi na da." Mukomana Branham na tshivhidzo vha a sea—Mudz.] Zwavhuđi. Izwo ndi zwavhuđi.

⁷¹ Ndi a ya u mu pfa, nne muñe. Mukomana Vayle o no amba lunzhi phanda hanga, miṭanganoni, na—na huñwe-who. O kona u tshimbidza miṭanganano lwa tshifhinga tshilapfu, huno mukomana wavhuđi, o ita mushumo wavhuđivhuđi. Huno ndi na ngoho avha vhathetshelesi tshifhinga tshothe vha takalela u pfa Mukomana Vayle musi a tshi amba. Murena a fhaṭutshedze Mukomana Vayle.

⁷² [Mukomana Vayle u amba lwa miniti ya fusumbe nga Marko 16:15-20 na mañwe Mañwalo, o newaho ḥoho: *Naa Ndi Ngani Marko 16 I Songo Shuma? Na Uri, U Ya Nga Luñwalo, Hu Nga Itwa Hani Uri I Shume*—Mudz.]

⁷³ Ngauralo ho ambiwa zwinzhi u swika ndi—ndi—ndi tshi kundelwa u amba u zwi khwinifhadza. Huno ndi a tenda nga ngoho uri ho vha hu Murena we a shuma hezwi u itela uri Mukomana Vayle a qise uyu mulaedza, nga murahu ha matsheloni ano. Ngauri, ni a vhona, two tea u shuma nga heyo

ndila. Ri—ri ḥanganedza hezwo sa zwi bvaho ha Mudzimu. Mini, hu na zwithu zwinzhi zwe a vha a tshi khou zwi amba; ndi—ndi—ndi na therero dza fumbili dzo nwalwaho hafha fhasi, dza zwe a amba.

⁷⁴ Ndo vha ndi tshi khou elekanya hafha nga ha tshifanyiso tshiṭuku tshithihi, u tikedza zwe a amba. Zwino, ri sedza kha ino watshi, u wanulula uri ndi tshifhinga-de. Ndani ha musi tshishumiswa tshiňwe na tshiňwe kha iyo watshi tshi na tshumisano, tshiňwe na tshiňwe, a ri nga do divha tshifhinga tshi re tshone na kathihi. Naa izwo ndi zwone? [Tshivhidzo tshi ri, "Amene."—Mudz.] Huno izwo zwi dzhia riñe rothe, rothe ro ḥangana, arali ri tshi ṭodou vhona Mururo wa Vhuraru zwa vhukuma u tshi khou itela Mudzimu tshiňwe tshithu, ndi tshumisano na muňwe na muňwe washu ro ḥangana, u diṭukufhadza phanda ha Mudzimu huno ra bula vhukhakhi hashu, huno ra rabela nahone ra tenda Mudzimu u itela hezwi zwithu.

⁷⁵ Ndi a tenda ngangoho uri zwe Mukomana Vayle a amba ndi Ngoho, uri na kathihi Mudzimu a nga si vhee Muya Wawe thembeleni i songo khetheaho, i songo lugaho, i sa thetshelesi. Hai. Zwi tea u da nga ndi—ndila ya u ḥanzwiwa ha mbilu dzashu kha vhufhura na vhutshiny hothe, uri ri kone u vha vho tambaho phanda ha Mudzimu, uri A kone u shuma Muya Mukhethwa Wawe wo ḥambaho nga kha riñe, u khunyeledza hezwi zwithu. Ndi—ndi elekanya uri, musi ni tshi ya hayani madekwana a ḥamus, arali ni tshi do vhala iyo Bugu ya Yuda ḥukhu, ni do tou guda zwinzhi zwino zwa zwe Mukomana Vayle a amba. Huno o ri, "Ndi lwela Lutendo lwe lwa kumedzwa vhakhethwa kathihi tshothe ndo difunga." Vho Lu litsha. Nga ndila ye muthu o tshinyalaho thalukanyo, na zwiňwe-vho, a dzhena nahone a vha fhura vha bvā kha—kha zwithu zwa vhukuma zwa Mudzimu.

⁷⁶ Huno Mudzimu a nga shuma fhedzi musi ri tshi Mu tendela u shuma. Huno hu na zwithu zwinzhi nga maanda zwi mangadzaho, zwine nda khou ri... .

⁷⁷ Ni a divha, vhathu vha ṭoda maanda, huno zwa vhukuma a vha divhi uri maanda ndi mini. Ni a vhona, zwa vhukuma a vha—a vha divhi zwine—zwine—zwine zwa tshimbilelana nazwo. Ndi—ndila ya u ya nthi i fhasi, tshifhinga tshothe. Arali ni tshi ṭoda maanda, vhonani uri ni diṭukufhadza hani. Itonu bvela kule ha kuelekanye kwanu kwóthe kwa shango, huno ni diṭukufhadze phanda ha Mudzimu, huno zwenezwo ni na maanda o engedzeaho u fhira munna a no gidima tshifhaṭoni tshothe nahone a tshi ita phosho khulu-khulu; ni a vhona, ngauri no kona u dikunda, na dikumedza kha Kristo, ni a vhona, u diṭukufhadza phanda Hawe. Ayo ndi maanda vhukuma.

⁷⁸ Inwi ntsumbedzeni tshivhidzo tshi no diṭukufhadza, tshi no diṭukufhadza vhukuma, hu si ni u—u diđivha; tshivhidzo, tshi

tshi tou vha tshivhidzo tsha u difha, tshi ditukufhadzaho, ndi do ni sumbedza tshivhidzo tshi re na u funwa na maanda a Mudzimu khatsho. Izwo ndi zwone. Itsho ndi tshone tshi no ṭodea, u ditukufhadza, ri tshi ditukufhadza phanda ha Mudzimu, ri tshi tendela Mudzimu u tou shuma nga kha riñe. A ri tei u ita phosho khulu.

⁷⁹ Tshiñwe tshifhinga, sa mulimi o amba, o bva a ya tsimuni nga goloi yawe, huno, tshifhinga tshothe a tshi rwa ndunduma, ya sokou ketsha-ketsha huno ya bvela phanda. Fhedzi musi a tshi vhuya, a rwa ndunduma yeneyo nthihi huno ya si ite phosho na luthihi, ngauri yo vha yo laiswa zwithu zwavhudzi.

⁸⁰ Ngauralo ndi elekanya uri izwo zwi ṭodou vha zwone, ni a vhona, zwauri ri ḫala nga zwithu zwavhudzi zwa Mudzimu, uri mutshelo wa Muya u kone u ḫivhea nga kha riñe. Vhunga o amba nga maanda nga ha Vhakorinta Ya U Thoma 13 henefho, na nga ndila, ya uri, “Naho nda ḫekedza muvhili wanga uri u fhiswe, huno nda vha na hezwi zwithu zweþhe, huno ndi si na lufuno; a zwi ri tshithu, a zwi mpfarisi tshithu.” Ni a vhona, ri ṭodou ita zwenezwo.

⁸¹ Ntha ha zwithu zweþhe, ndi mimuya yashu nga muthihi nga muthihi ine ra vha na vhudifhinduleli hayo phanda ha Mudzimu. Ni a vhona, ndi—ndi *inwi* a no khou ya Tadulu. A si arali *ndi* tshi ya, kana a tshi ya. Ndi *inwi* a no khou ya, ni a vhona, nahone inwi u thoma. Huno ni tea u lavhelela hezwi na vha a ḫifhaho phanda ha Murena.

⁸² Huno tshifhinga tshothe ndo wana zwauri muthu a no ditukufhadza ndi muthu ane Mudzimu a mu hulisa. Musi ni tshi dzhia muthu o bviselaho khana yawe nn̄da nahone a tshi ḫivha tshiñwe na tshiñwe, huno ni si nga mu vhudzi tshithu, nahone a tshi ḫidivha, huno—huno, zwo ralo, uyo—uyo ndi ene muthu a sa yi fhethu na kathihi. Fhedzi dzhiani uyo muthu ane a ditukufhadza nahone a tshimbila lu ḫifhaho.

⁸³ Ndo vha ndi tshi khou amba na muñwe munna liñwe ḫuvha, a no khou dzudzanya tshivhidzo n̄tha ngei... a bva kha dzangano le la vha li hone. Huno, zwo ralo, ndi Mukomana Boze, na itsho tshivhidzo he vha vha vhe na, vho vha vhe na itsho tshivhidzo tshihulwane henefho lwa tshifhinga tshingafho, nahone Murena a tshi khou fhañutshedza. Zwenezwo vhatu vho swika he vha ṭoda u pholisha vhunga vhañwe vhothe, nahone vha ṭoda u tshi posela kha dzangano. Huno musi vho ita, tsho sokou... avho Vhakriste vha ditukufhadzaho ngomu henefho a vho ngo zwi ṭoda hezwo. Vhutshiloni havho hothe, vho funzwa u lwa nazwo, ngauralo vha zwi furalela. Zwino vha na tshigwada, nahone Murena o vha fhañutshedza u swika vha tshi dzhena, ngomu fhethu huhulu zwino hafhu, u itela tshivhidzo zwino tshine tsha dzudza vhatu vha no ṭodou swika zwigidi zwiñka kana zwiñanu, nahone vha khou thoma hafhu.

⁸⁴ Huno vha da kha nn̄e, nahone vha ri, “Mukomana Branham,” vho dzula henehafho ofisini, ofisi ya tshivhidzo, linwe duvha. Huno a amba, muñwe wa vharangaphanda, Mukomana Carlson na vhañwe, ha pfi, “Naa ri fanela u itani?”

⁸⁵ Nda ri, “Wanani munna a re mulisa ane a sa vhe na bvumo kha dinomineisheni yothe, ane a tou vha wavhud̄i vhukuma, wa vhukumakuma, a difhaho, mukomana a ditukufhadzaho a no tshila uvho vhutshilo. Mudzimu u do londa zwiñwe, ni a vhona.” Nda ri, “Mufunzi wayhud̄i a no do tou kanzwa nngu, nahone a ditukufhadza na zwithu, Mudzimu u do ita zwiñwe. Arali ni tshi do... Hu si ni muñwe mudivhi wa zweþhe muhulu a no khou dzhena, a no khou yo vhea *hetshi* kha nzudzanyo, huno hetshi tshi tea u vha nga ndila *heyi*, nahone zwithu zwi tshi tumulwa.” Nda ri, “A zwi nga vhi zwa shuma na kathihi. Ni kha di bvou swika khazwo.”

⁸⁶ Izwo ndi zwone, tshipida tshinwe na tshiñwe tshivhidzoni tshi fanela u vha na tshumisano, huno inwi ni fanela u vhulunga tshipida tshanu tshatsho. Ngauralo ri a vhona uri ndi tshifhingade tshiné ra khou tshila khatsho. Ri nga di vha ri tsini u fhira zwine ra elekanya uri ri zwone.

⁸⁷ Zwino, ri takalela Mukomana Vayle. A ri ralo? [Tshivhidzo tshi ri, “Amene.”—Mudz.] Murena a ni fhalutshedze, Mukomana Vayle. Ndi a ni livhuwa. Huno ri livhuwa Murena kha u disa mulaedza uyu muhulwane kha riñe madekwana a ñamusi.

⁸⁸ Huno ndo wana luñwalo, miniti i si gathi yo fhiraho. Muñwe wa dzikhaladzi o vha e na tshiñwe tshithu tshe a todou amba, moloroni. Arali ni tshi nga tou nñiwalela tshone, khaladzi, ndi—ndi nn̄e... O mu ñea miloro ye ya vha i ngoho tshoþhe. A ri tanganedzi miloro yoþhe. Hai, hai. Fhedzi musi i ya Mudzimu, ri todou ðivha uri ndi Mudzimu a no khou amba na riñe.

⁸⁹ Vhunga tshiñwe na tshiñwe tshi tshi amba nga dzindimi, a ri zwi tendi; fhedzi musi hu na þhalutshedzo i no da i no ri vhudza tshiñwe tshithu tshi no khou yo bvelela, ra tshi vhona tshi tshi bvelela, zwenezwo ri livhuwa Murena khatsho. Ni a vhona?

⁹⁰ Ri todou u ita uri zwi dzule zwi tshi tshimbila zwavhud̄i, lu difhaho, nahone nga nzudzanyo ya Murena. Ngauralo itonu elelwa, uri tshipida tshanu tshi nga di vha tshipiringi tshihulwane, kana tshi nga di vha tshiþuku, tshiñwe tshanda tshiþuku, kana tshiñwe tshipida tshiþuku, kana tsinde li no tandedza, tshiñwe na tshiñwe tshine tshi nga vha tshone, kana zwi nga di vha zwanda khofheni ha watshi, zwi no amba tshifhinga. Fhedzi naho tshi tshini, zwi dzhia rine roþhe ri tshi shuma roþhe ri na nyandano na Mafhungo-madifha a Yesu Kristo, u khunyeledza hezwi.

⁹¹ Itonu elekanya! Arali zwifhiwa zwi zwihulwane nga maanda, zwine ra zwi vhidza maanda; huno Paulo o ri, “Naho

ndi na lutendo lune ndi nga kona u sudzulusa thavha, huno ndi si na lufuno, a thi tshithu.” Zwi elekanyeni izwo.

⁹² Huno naho ri tshi ri, “Zwo luga, naho ndi—ndi tshi pfesesa . . . ndi tama ndo vha ndi tshi ḋivha Bivhili.”

⁹³ “Naho ndi tshi pfesesa zwiphiri zwa Mudzimu zweṭhe, ni a vhona, huno naho ndo vha ndi tshi nga kona u zwi ita huno ndi si na lufuno, a thi tshithu. Ni a vhona, a thi athu swika huňwe fhethu.” Ni a vhona, tshithu tshihulwane ndi, funani Mudzimu, huno na ḋitukufhadza ni nalwo.

⁹⁴ Zwino, ngangoho, nga murahu ha iyi miňwaha ndi mudavhini na u mona na shango, huno ndi tshi vhona vhathu vho fhambanaho, ndi tea u ḋivha zwitukunyana nga ha khoro ya u dzhena ngayo. Huno arali ni tshi ḥodou swika huňwe na Mudzimu, na kathihi ni songo tendela muya wa u ḋidivha u tshi vhuya wa ḏa tsini hanu. Ni songo tendela vhuvhi vhu tshi dzhena. A hu londwi zwine muňwe muthu a ita, arali o khakha, na kathihi ni songo fara uyo muthu nga mbilu. Ni a vhona? Inwi ni vhe a difhaho nahone wa vhulenda. Elelwani, Mudzimu o ni funa musi no vha ni tshivhini. Huno arali Muya wa Mudzimu u kha inwi, ni a funa muňwe muthu musi o khakha. Ni a vhona, itonu vha rabelela, nahone ni funane.

⁹⁵ Ntha ha tshiňwe na tshiňwe, funani Mudzimu nahone ni funane. Huno ḋitukufhadzeni kha Mudzimu na nga tshaṇu, huno Mudzimu u ḏo ri fhaṭutshedza, huno zwi a kondā u amba zwine A ḏo ita. Kanzhi musi tshivhidzo tshi tshi thoma ū vha na vha re na tshivhalo nahone tshi tshi swika hune tsha aluwa zwituku, kana tshiňwe tshithu tshi no nga tshenetsho, zwenezwo vha ṭutshela kule ha itscho tshithu tsha vhukuma, tshithu tsha vhukuma.

⁹⁶ Naa ni a ḋivha tshe tsha ita uri izwi zwithu zwi khunyelele, musi ndi tshi thoma lwa u thoma huno Murena a bvelela kha nn̄e fhasi mulamboni huno a mmbudza hezwo? Huno Mukomana Vayle o zwi vhona hezwo, ndi a tenda, kha bammbiri kha la Canada, miňwaha minzhi yo fhiraho, he Muruňwa wa Murena a bvelela mulamboni henengei fhasi, zwo vha zwi kha Associated Press, “Tshedza tshi mangadzaho nga n̄tha ha mushumeli wa heneffho, musi a tshi khou lovhedza.” Huno—huno ni a ḋivha zwe zwa ita hezwo? Musi ro vha ri na muṭangano wa dennde afho seli ha tshitaraṭa, dennde yo dzudzaho vhathu, oo, vha no ḥodou swika mađana a fumbilithanu, vhashumeli vha bva huňwe na huňwe, huno ha pfi, “Mukomana, iđani ngeno lwa tshifhinganyana.” Ndo vha ndi tshi tou vha mutukana, vhunga, oo, ndi tshi tou vha ḥwana. Huno vho ri, “Naa avho vhathu ni vha ita hani uri vha dzule mbilu i nthihi? Vha a funana u swika . . . a thi athu vhona vhathu vha tshi funana.”

⁹⁷ Uyo ndi Murena. Ulwo ndi lwone lwe itschi tshivhidzo tsha tewa khalwo, ulwo lufuno lwa Mudzimu, lwa vharathu vha tshi funana. Ndo vha vhona vha tshi ita na u khađana, vha tshi ḥuwa

fhethu, nahone vha lila vhunga vhuskie, u khaukana. Vho vha vha tshi funana nga maanda. Huno ndo vha ndi tshi kona u yo dala nduni yavho, huno nga zwifhinga Bivhili yo vha yo vulwa nahone yo dondofhala nga miłodzi. Nda dzhena, nga tshifhinga tsha vhusiku, he vhokhotsi na vhomme vha vha vho kuvhangana vhothe, na vhana vhavho vho tangeledza fhasi, vho gwadama u mona hothe; huno vhokhotsi na vhomme vhe magonani avho, vha tshi khou lila na u rabela. Ndo vha ndi tshi ima muñangoni huno nda lindela nda lindela nda lindela. Huno a vho ngo ima u rabela, ndi do sokou dzula kha zwitepisi huno nda thoma u rabela, nñe muñe, ndo vha lindela, ni a vhona. Huno izwo—izwo zwe vha zwi zwone. Huno vho vha vha tshi funana. Vho vha vha tshi funana. Ro vha ri tshi anzela u ima huno ra imba ulwo luimbo lwa kale:

Mashudu tshivhofhekanyi tshi vhofhekanyaho
 Mbilu dzashu nga lufuno lwa Tshikriste;
 Vhuṭama ha ḥhalukanyo i fanaho
 Vhu nga uvho ha N̄tha.

Musi ri tshi fhambana,
 Zwi ri nea vhuṭungu ha nga ngomu;
 Fhedzi ri kha di do vha vhatihhi mbiluni,
 Nahone ri fulufhela u ḥangana hafhu.

⁹⁸ Ndi amba hezwi ndi na dakalo lihulu mbiluni yanga, kha Kristo. Vhanzhi vhavho vho edela hafha zwaloni izwi zwe swaiwaho madekwana a ḥamusi, vho lindela iyo mvuwo khulwane hune ra do ḥangana hafhu.

⁹⁹ Ni songo tendela uyo muya u tshi vhuja wa ḥuwa afha fhethu! Arali u tshi vhuja wa ita, zwenezwo a thi londi uri mufunzi wañu u kona hani u amba, uri a nga disa Ipfi la Mudzimu zwavhudi hani, Muya wa Mudzimu u a ḥungufhala wa ḥuwa. Ni a vhona? Musi ri tshi nga vha na zwithu zwe the kha vhuṭama, zwa vha zwashu rothe, nahone ra funana, zwenezwo Mudzimu u do shuma na riñe.

¹⁰⁰ Huno ri khou vhulunga tshifhinga, lune vhatu vha da huno vha ri, “Arali ni tshi ḥodou vhona tshivhidzo tshire tsha ḥitukufhadza vhukuma, tshivhidzo tshi no funa Mudzimu zwa vhukuma, dalelani afho n̄tha thaberanakeleñi tshiñwe tshifhinga huno ni vha sedzese. Sedzani u vhavhalelana hune vha vha naho, ḥompho; musi Mafhongo-madiñha a tshi rerwa, vha hulisa hani, uri tshiñwe na tshiñwe tshi tou vha kha nzudzanyo hani.” Ee, zwenezwo vha kona u sedza huno vha vhona uri ri khou tshila tshifhinga-de. Ni do vhona Muya wa Mudzimu u tshi shuma vhukati hanu, zwiga zwi hulwane na zwigangadzo na zwithu zwi do vha zwi tshi khou itea. Arali itsho tshithu tshi tshi khou shuma tshothe, tshi khou amba tshifhinga. Fhedzi arali tshi sa khou shuma, zwenezwo tshifhinga tshi a imiswa, tshi nga si tsha amba tshifhinga. Ngauralo arali ri tshi ḥodou ḥivha uri ri khou tshila tshifhinga-

de, itonu thoma nōthe u shumisana kha Mafhungo-madifha, ni tshi funana, ni tshi funa Mudzimu, huno zwanda zwone zwiñe zwi do amba uri ri khou tshila tshifhinga-de. Naa izwo ni a zwi tenda? [Tshivhidzo tshi ri, “Amene.”—Mudz.] Ngoho. Amene. Murena a ni fhañutshedze, zwa vhukuma nga maanda.

¹⁰¹ Ni songo hangwa zwino, idani vhegeni ino. Huno arali ni tshi divha vhañwe-vho vhathu vhavhudi, vha lwalaho vha no khou dzhena, vha vhudzeni, musi vha tshi ña, ni ri, “Vhafunwa, ndi ñodou ni vhudzisa. Ri na thabelo ya vhalwadze, nga matsheloni a Swondaha, hangei thaberenakeñeni. Huno inwi no vha ni tshi khou lwala lwa tshifhinganyana, zwino ndi ñoda . . .”

“Ndi zwone, ndi ñodou ñuwa. Tshifhinga tshoñthe ndo vha ndi tshi ñodou ñuwa.”

¹⁰² “Zwino, ndo tou pfa mulaedza vhusiku ha Swondaha, u tshi bva kha mukomana henengei, zwauri ri fanela u bulelana hani khakho dzashu, huno ra rabelisana, uri ri fhodzwe. Yakobo 5:14, 13, 14, 15, ni a vhona, zwauri ri fanela u bulelana khakho dzashu ri sa athu vhuya ra ñela phodzo. Iina. Kha ri bulelana khakho dzashu, huno ri rabelelane.” Ni a vhona? Ni a vhona, izwo ndi zwone kokotolo zwe a vha a tshi khou amba nga hazwo madekwana a ñamusi, a tshi vhuisa mashudu ngomu nga Marko 16. Tanganyani hezwo, no zwi wana, zwenezwo phodzo dzi a itea.

¹⁰³ Sedzani Yesu, a hu na tshithu nga nn̄dani ha ñanda nthihi ya lufuno. Ni a vhona? O vha e Mudzimu o vhonadzwaho. Ene, Mudzimu, o Dibula nga Khae, a zwi mangadzi madembe na zwithu zwo bvelela. Vhutshilo Hawe ha u ñitukufhadza, na vhutshilo ho kumedzwaho; a tshi bva kha u vha Mudzimu, uri a vhe muthu fhano kha lifiasi, u bulu Mudzimu nga kha Ene muñe. Izwo ndi zwe zwa Mu ita zwe A vha e zwone. Tshifhinga tshoñthe ndo ri, “Ndi tshini tsho itaho Yesu Mudzimu, kha nn̄e, ho vha hu ñdila ye A ñitukufhadza. O vha e muhulwane nga maanda, huno naho zwo ralo o vha a tshi kona u vha muñukusa.” Ni a vhona? Izwo ndi zwone.

¹⁰⁴ Murena a ni fhañutshedze zwavhuñi vhukuma. Zwino kha ri ime, nahone ri tshi itela u balangana. Kha ri tou lingedza holwo, (ni nga ñi vha ni sa lu ñivhi, khaladzi), holwo, *Mashudu Tshivhofhekanyi Tshi Vhofhekanyaho*. Kha ri imbe lwonolwo luthihi, ni ño ralo? Ri ñeeni tshuni.

Mashudu tshivhofhekanyi tshi vhofhekanyaho
Mbilu dzashu nga lufuno lwa Tshikriste;
Vhuñama ha ñhalukanyo dzi fanaho
Vhu nga uvho ha N̄tha.

¹⁰⁵ Zwino musi ri tshi khou imba iyi ndimana ya u fhedza, kha ri farane nga zwanda, “*musi ri tshi fhambana*,” huno ri tou ri, “Mudzimu a ni fhañutshedze, mukomana, khaladzi. Ndo takala nga maanda u vha fhano na inwi madekwana a ñamusi.” Ni

a vhona, tshiñwe tshithu tshi no nga tshenetsho, zwenezwo ra vhuya heneffo-ha. Zwino kha ri lu imbe.

Musi ri tshi fhambana . . .

Mudzimu a ni fhañutshedze, Murathu Neville!

Zwi ri nea vhutungu ha nga ngomu;
Fhedzi ri kha ñi ño vha vhathihi mbiluni,
Nahone ri fulufhela u ñangana hafhu.

¹⁰⁶ Nga ndila ine ra funa Murena Yesu! Naa a ri ralo?
[Tshivhidzo tshi ri, “Amene.”—Mudz.] Hani . . .

U swika ri tshi ñangana!

U swika ri tshi ñangana milenzheni ya Yesu; (u
swika ri tshi ñangana!)

U swika ri tshi ñangana! u swika ri tshi
ñangana!

Mudzimu a vhe na inwi u swika ri tshi ñangana
hafhu!

Kha ri bonye mañø ashu, huno ulwo ri tou lu imba
Muyani zwino.

U swika ri tshi ñangana! u swika ri tshi
ñangana!

U swika ri tshi ñangana milenzheni ya Yesu;
U swika ri tshi ñangana! u swika ri tshi
ñangana!

Mudzimu a vhe na inwi u swika ri tshi ñangana
hafhu!

¹⁰⁷ Zwino zwifhañuwo zwashu zwo kotama. Ri tou vha vhana,
vhana vha Mudzimu. Kha ri lu ñune. [Mukomana Branham na
tshivhidzo vha thoma u ñuna, *Mudzimu A Vhe Na Inwi*—Mudz.]
Oo, nga ndila ine izwo zwa disa Muya wa Mudzimu kha ringe!
Naa no vha ni tshi nga humbula mañuvha a u ranga musi vho
dzula kha mbaba dla tombo?

Mudzimu a vhe na inwi u swika ri tshi ñangana
hafhu!

¹⁰⁸ Zwifhañuwo zwashu zwo kotama, ndi khou yo humbela arali
Mukomana Allen murahu heneffo, mukomana muswa vhukati
hashu, arali a tshi ño ri balanganya nga thabelo. Mukomana
Allen.



DITUKUFHADZENI TSV63-0714E
(Humble Thysel)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Swondaha, Fulwana 14, 1963, Thaberenakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadhaladzwa nga vha Voice Of God Recordings.

TSHIVENDA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org